



**VLADA FEDERACIJE
BOSNE I HERCEGOVINE**

2089

Na osnovu člana 19. stav 2. Zakona o Vladi Federacije Bosne i Hercegovine ("Službene novine Federacije BiH", broj 1/94, 8/95, 58/02, 19/03, 2/06 i 8/06) i člana 11. stav 2. Zakona o privatizaciji preduzeća ("Službene novine Federacije BiH", broj 27/97, 8/99, 32/00, 45/00, 54/00, 61/01, 27/02, 33/02, 28/04, 44/04, 42/06 i 4/09), Vlada Federacije Bosne i Hercegovine, na 60. sjednici održanoj 11.09.2012. godine, donosi

**ODLUKU
O NAČINU, ODNOSNO METODU PRIVATIZACIJE
DRŽAVNOG KAPITALA U PREDUZEĆU "FABRIKA
DUHANA MOSTAR" D.D. MOSTAR**

I

Ovom odlukom određuje se način, odnosno metod privatizacije državnog kapitala u preduzeću "Fabrika duhana Mostar" d.d. Mostar, koji čini 67% kapitala ovog preduzeća.

II

Cjelokupni državni kapital iz tačke I ove odluke privatizirat će se metodom neposredne pogodbe.

III

Postupak privatizacije provest će Agencija za privatizaciju u Federaciji Bosne i Hercegovine.

IV

Za realizaciju ove odluke zadužuju se Federalno ministarstvo poljoprivrede, vodoprivrede i šumarstva i Agencija za privatizaciju u Federaciji Bosne i Hercegovine, svako u okviru svoje nadležnosti.

V

Ova odluka stupa na snagu narednog dana od dana objavljivanja u "Službenim novinama Federacije BiH".

V. broj 1177/2012
11. septembra/rujna
2012. godine
Sarajevo

Premijer
Nermin Nikšić, s. r.

2090

Temeljem članka 19. stavak 2. Zakona o Vladi Federacije Bosne i Hercegovine ("Službene novine Federacije BiH", br. 1/94, 8/95, 58/02, 19/03, 2/06 i 8/06) i članka 31. st. 4, 5, i 6. Zakona o lovstvu ("Službene novine Federacije BiH", br. 4/06 i 8/10), Vlada Federacije Bosne i Hercegovine, na 60. sjednici održanoj 11.09.2012. godine, donosi

**ODLUKU
O UTEMELJENJU POSEBNIH LOVIŠTA NA
TERITORIJU FEDERACIJE BOSNE I HERCEGOVINE
A. OPĆE ODREDBE**

I

Ovom odlukom utemeljuju se posebna lovišta na teritoriju Federacije Bosne i Hercegovine (u daljnjem tekstu: Federacija), koja se prostiru na površinama šuma sa posebnom namjenom, kao i na površinama koje predstavljaju izuzetno pogodna staništa rijetkih, proriđenih i vrijednih vrsta divljači.

II

Ovom odlukom, pojedinačno za svako lovište, utvrđen je naziv lovišta, područje općina na kojima se nalazi, površina lovišta, vrsta lovišta, nadmorska visina lovišta, najvažnije vrste divljači, posebno rijetke i ugrožene vrste divljači koje naseljavaju lovišta, te navedeni i drugi potrebni podaci za kvalitetno i trajno gospodarenje lovištem.

III

Uvažavajući stanje u oblasti lovstva na području Federacije, dugogodišnju tradiciju pod posebnim režimom lovnog gospodarenja, potrebe suvremenog lovnog gospodarenja i međunarodnih konvencija, te pojedinačne specifičnosti svakog lovišta prema strukturi površina, prirodnim pogodnostima, vrstama divljači, utemeljuju se sljedeća posebna lovišta: Igman-Bjelašnica, Hrbaljine-Kujača, Plješevica, Konjuh i Hutovo Blato.

B. TEMELJNI PODACI I OPIS GRANICA

IV

I. IGMAN - BJELAŠNICA

Površina lovišta iznosi 19754,82 ha, lovište se prostire na području općina Hadžići (13056,51 ha), Ilidža (4351,12 ha) i Trnovo (2347,19 ha).

Vrste divljači koje naseljavaju lovište: medvjed, vuk, srna, divokova, veliki tetrijeb, divlja svinja, zec, lještarka i druge vrste.

Lovište je planinsko. Nadmorska visina lovišta: 420 - 2110 m/nv.

Granica lovišta "Igman - Bjelašnica" polazi sa kote "Krvavac" (2062) prati administrativnu granicu općine Hadžići, opisno ide u pravcu sjeverozapada preko poteza Brlozi, kote "Preslo" (1721) i dolazi na kotu "Obradova snežnica" (1724), gdje mijenja smjer i nastavlja u pravcu jugozapada preko Krmje jele, kote 1648, te u pravcu jugozapada izlazi na kotu "Javorak" (1743). Dalje, granica lovišta produžava u pravcu jugozapada, dolazi na kotu "Visin" (1661) i u pravcu sjeverozapada preko kote "Medena glava" izlazi na kotu "M. Visin" (1576) gdje mijenja smjer i u pravcu jugozapada preko Zelenih njiva dolazi na kotu "Vukovo polje" (1245) te kreće u pravcu sjeverozapada preko poteza Podovi i grebenom u pravcu sjeveroistoka dolazi na kotu 1388, gdje mijenja smjer, i u pravcu sjeverozapada preko kote "Klek" 1577 dolazi na potez Crni vrh i grebenom u pravcu sjeveroistoka dolazi na kotu "Volujak" 1460. Ovdje granica mijenja smjer i u pravcu sjeverozapada dolazi na kotu "Prehulja" (1233), gdje mijenja smjer, napušta administrativnu granicu općine Hadžići i u pravcu sjeveroistoka ide koritom Prehuljskog potoka do ušća u Korču i u istom smjeru, preko Visa u pravcu jugoistoka (granicom šumskih odjela 48 i 49), dolazi do kote 1144, gdje mijenja smjer i kreće u pravcu sjeveroistoka preko kote 1221, kote "Ragalj" (1133) dolazi na kotu 948 i produžava u istom smjeru granicom šume i šumskog zemljišta u državnom vlasništvu (granicom šumskih odjela 45, 44 i 43), a potom lokalnim putem prolazi iznad naseljenog mjesta G. Bioča, silazi u korito potoka Bjelašnica i kreće istim u pravcu sjeverozapada do lokalnog puta za Kazinu baru, te u pravcu sjeveroistoka, produžava navedenim putem do magistralnog puta Mostar-Sarajevo, kreće istim u dužini od 250 m, odvaja se u pravcu juga lokalnim putem do iznad naseljenog mjesta Šinici. Ovdje granica lovišta mijenja smjer i kreće u pravcu istoka, a potom jugoistoka granicom šume i šumskog zemljišta u državnom vlasništvu (granicom šumskih odjela 53, 52, 51, čini poluenklavu preko kote 860, šumskih odjela 48, 47 i na granici sa 46 čini poluenklavu), te sa zapadne i južne strane također granicom odjela 46 obilazi naselje Ljubovčići i u pravcu sjeveroistoka prelazi poluenklavu i dolazi na granicu šumskog zemljišta u državnom vlasništvu. Dalje, granica lovišta nastavlja u pravcu jugoistoka, granicom šumskog zemljišta u državnom vlasništvu (granicom šumskih odjela 46 i 39) i dolazi na kotu "Točila" (877), gdje mijenja smjer i kreće u pravcu sjeveroistoka dolazi na prsten šumskih odjela 31, 37, 38 i 40, silazi niz Obitni do (granicom šumskih odjela 31 i 38 te 32 i 33) do prstena šumskih odjela 17, 18, 32 i 33 odnosno do rijeke Krupe i kreće uzvodno koritom Krupe u pravcu jugoistoka do prstena šumskih odjela 18, 28 i 32, kote 668 iznad izvora Krupe.

Ovdje granica mijenja smjer i produžava u pravcu sjeveroistoka do šumskog kamionskog puta u enklavi u šumskom odjelu 18 kreće istim putem u pravcu sjeveroistoka do kote 834 (rezervoar u Lokvama), a potom ne mijenjajući smjer predviđenim novim šumskim kamionskim putem kroz šumske odjele 8, 7 i 6 ravno izlazi na kotu 935, odakle ide granicom gospodarskih jedinica u pravcu sjeverozapada do kote "Stupnik" (992) gdje mijenja smjer, i u pravcu sjeveroistoka ide granicom gospodarskih jedinica "Zujevina" i "Igman" do administrativne granice općine Hadžići koju nastavlja pratiti u pravcu sjeverozapada, preko državne ergele, te seoskim putem u pravcu bunkera dolazi do Mostarskog raskršća, odakle ide u pravcu jugoistoka preko Blažuja do crkve na Plandištu, nastavlja u pravcu jugozapada i jugoistoka padinama Igmana i prati granicu "Spomenika prirode Vrelo Bosne" opisanu člankom 3. Zakona o proglašenju spomenika prirode "Vrelo Bosne" ("Službene novine Kantona Sarajevo", broj 16/06) do okretnice na putu u naselju Glavogodina. Dalje granica lovišta

ide u pravcu jugoistoka šumskim kamionskim putem iznad naseljenih mjesta Glavogodina, Kovači, Hrasnica i Lasica dolazi na granicu (prsten) šumskih odjela 20, 21, 25 i 30 odakle u pravcu juga dolazi na kotu 1045 gdje mijenja smjer i u pravcu jugozapada dolazi na kotu "Obješenjak" (1109) i produžava granicom Šumskogospodarskih područja na kotu "Crni vrh" (1433). Granica lovišta dalje produžava u pravcu jugozapada prateći granicu Šumskogospodarskih područja, prelazi put Sarajevo - Krupac, obilazi Gornju Grkaricu i preko poteza Trice i Donje Grkarice dolazi na kotu 1164, kratko prati isti pravac i onda u pravcu jugozapada i dalje prateći granicu Šumskogospodarskog područja preko kote "Gojčinova ravan" (1510), Starih konaka dolazi na kotu "Šiljak" (1689), odakle u pravcu jugozapada preko kote "Javorak" (1681), i u pravcu sjeverozapada preko Zapoda i kote 1882, dolazi na kotu "Bjelašnica" (2067). Dalje, granica ide u pravcu jugozapada preko bezimene kote 2032, nastavlja u istom pravcu preko kote "Žuti cvijet" (2026), odakle u pravcu sjeverozapada preko "Velikog struga", kote "Mali strug" (1923), bezimene kote 1917, kote "Žujsko brdo" (1986) do bezimene kote 1982, gdje mijenja smjer i u pravcu jugozapada preko kote "Vjetreno brdo" (1968) i dolazi na kotu "Krvavac" (2063) odnosno do početne točke opisa granice lovišta "Igman - Bjelašnica".

2. HRBLJINE - KUJAČA

Površina lovišta iznosi 42628,00 ha, lovište se prostire na području općina Kupres (9702,00 ha), Glamoč (30090,00 ha), Livno (191,00 ha) i Tomislavgrad (2645,00 ha).

Vrste divljači koje naseljavaju lovište: veliki tetrijeb, srna, medvjed, vuk, ris, divlja svinja, zec, lještarka, lisica, jazavac, kune, sove ušare, orlovi i jastrebovi.

Lovište je planinsko. Nadmorska visina lovišta: 640 - 2006 m/nv.

Granica počinje na asfaltnom putu Kupres-Livno u mjestu Borovo polje, ide asfaltnim putem na sjever prema selu Gornji Malovan, a od njega ide na kotu Vilenice (Čajuša), dalje na kotu Jaram, Kuljaj, sa Kuljaja skreće preko Ahmetove sječe i izlazi na krizanje puteva Jelovača-Orlovača. Odavde granica ide cestom na prsten odjela 2 i 3, a odatle ide na Crni Vrh (Omar). Dalje granica nastavlja preko Klekova od kote Veliki Vitorog, sa Vitoroga se spušta iza sela Pribelja i ide cestom do sela Dubrava. Iz sela granica ide južno prateći granicu Glamočkog polja, sela Vidimije odnosno Dragnić i Dolac. Iz Doca ide na vrh Velikog Cincara (2006), nastavlja preko Malog Cincara na kotu Kruzi i Osjen glavice. Sa Osjen glavice dalje ide granicom općina Livno-Tomislavgrad i izlazi na asfaltni put Šuice - Livno, odnosno do polazne točke.

3. PLJEŠEVICA

Površina lovišta iznosi 5854,60 ha, lovište se prostire na području općine Bihać.

Vrste divljači koje naseljavaju lovište: medvjed, veliki tetrijeb, srna, divlja svinja, lještarka i druge vrste.

Lovište je planinsko. Nadmorska visina lovišta: 360 - 1648 m/nv.

Granica lovišta "Plješevica" proteže se putem od sela Zavalje, preko Vučijaka do Malog Baljevca, dalje putem do kote 344, dalje do državne granice sa Republikom Hrvatskom prema Kurića vrhu (kota 1081), na kotu Ogredljivi vrh (kota 1174), na kotu 1338 predio zvani Osinjak, prema koti 1454 dalje na Golu Plješevicu (kota 1648) - Mala Plješevica (kota 1576) - Crni Vrh (kota 1562) - Balun (kota 1446) - Gredoviti vrh (kota 1429) - Šopotov vrh (kota 1403) - Korenički vrh (kota 1330) - Majoruša (kota 1186) - Žestikovac (kota 1333) - Kamen (kota 1580) prema Đurinom sijeku (kota 1012) - Duga luka (kota 833) - Šiške presijeca cestu za Željezno polje prema koti 624, dalje državnim granicom do ceste Melinovac - Donji Lapac - cestom Veliki Skočaj - Mali Skočaj do Međudražja do početne točke u selu Zavalje.

4. KONJUH

Površina lovišta iznosi 13325,00 ha, lovište se prostire na području općina Živinice (2647,00 ha), Banovići (2617,00 ha), Kladanj (7240,00 ha) i Olovo (821,00 ha).

Vrste divljači koje naseljavaju lovište: medvjed, veliki tetrijeb, divokoza, srna, vuk, divlja svinja, zec, lještarka, lisica, jazavac, kune, sove ušare, orlovi i jastrebovi.

Lovište je planinsko. Nadmorska visina lovišta: 300 - 1328 m/nv.

Granica lovišta polazi od Hrvatske brane istočnom granicom odjela 26 i 27 prema koti 636 zatim koti "Brijest", koti 717 "Crvena stijena" i koti 733 "Lada". Od kote 733 granica se proteže preko "Torina" na kotu 786 "Rupača" na kotu 982 "Kočarin" i veže za kotu 1016 i dalje granicom između odjela 4, 32 i 33 "Ravne klade" do granice ŠPP-a. Od granice Š.P.P-a granica se spušta niz "Djedinsku planinu", presijeca šumski put za Budakovac, dalje Hajdučkim potokom do kote 522, zatim do "Vrele", odatle se penje zapadno od sela Lupoglava na trigonometar 651. Od trigonometra 651 ide kosom prema koti "Guvno" 796, nastavlja kosom na kotu "Vino kruška" 1089, spušta grebenom na šumski put za Duboki potok na kotu "Gudijelj", zatim spušta nizvodno do ulijevanja u rijeku Tarevčicu. Od ušća rijeke Tarevčice grebenom se penje na kotu 433 i dalje kosom "Neupalj", zatim grebenom prema "Ježeviku" i dalje na kotu "Bandijerku" 1207, odatle na kotu "Javorje" 1194 i dalje na kotu "Šarino korito" 1106. Od kote 1106 granica ide prema koti "Škrilo" 1052, nastavlja se seoskim putem prema Meškovićima do kraja smrčeve kulture, ivicom se spušta do kraja ceste pod Tuholjom. Od okretaljke granica ide prema "Borovači" a dalje prema koti 1077 i dalje koti 1016, grebenom prema "Alinoj vodi" produžava grebenom na kotu 1053, nastavlja kosom prema koti "Plosnom brdu", odakle grebenom se spušta do ušća gdje se ulijeva Srebrenica u Drinjaču.

Granica lovišta dalje ide uzvodno uz rijeku Srebrenicu, sve do "Džakminog lagersa", to jest mjesta gdje se ulijeva Hrastovački potok u Srebrenicu, dalje ide uzvodno uz Hrastovački potok na kotu "Razbojište" i dalje do kote "Osredak" 1199. Od trigonometra Osredak 1199. dalje granica nastavlja šumskim putem, odnosno administrativnom granicom općina Olovo i Kladanj do trigonometra Prigrizenac (1163), odakle dalje produžava grebenom granicom općina Olova i Kladnja i granicom ŠPP- ova "Olovsko" i "Konjuh" na trigonometar Jarašće (1192). Sa ovog trigonometra, granica nastavlja preko kote 992 na kotu 1166 zvana Kosice. Sa ove kote, granica produžava na kotu 1163 odakle skreće u pravcu sjeverozapada na trigonometar Smrčevac (1129). Ovdje granica naglo skreće u pravcu sjeveroistoka i spušta se u ušće malog bezimenog potoka u potok Smrčevac. Granica dalje skreće u pravcu sjeverozapada i ide nizvodno potokom Smrčevac u dužini od 500 do ušća drugog bezimenog potoka u potok Smrčevac gdje granica skreće uzvodno tim bezimenim potokom i izlazi na kotu 1061 Suhe pšeničice. Sa ove kote granica se spušta niz kosu u rječicu Župeljeva i istu presijeca, te u pravcu sjevera nastavlja uz kosu do na trigonometar Crni vrh (1151). Granica blago skreće u pravcu sjeverozapada i ide grebenom do na trigonometar Barice (1195). Sa ovog trigonometra granica se spušta grebenom u rječicu Mala Maoča i produžava nizvodno do kote 837. Na ovoj koti granica napušta korito Male Maoče i penje se u pravcu sjevera bezimenim potokom i grebenom do na trigonometar Poslone (1105). Na ovom trigonometru granica naglo savija u pravcu sjeveroistoka i vododijelnicama ide do na trigonometar "Ravni bor" (1104). Sa ovog trigonometra, granica ide administrativnom granicom općina Zavidovići i Banovići do trigonometra "Ploče" (1009). Od trigonometra "Ploče" 1009 granica ide preko kote "Stožerac" i kote "Kalem" 996 do granice između odjela 122 i 95 G.J. "Oskova" ide grebenom na kotu "Nevesja" i dalje granicom 121 sa odjelima 107 i 106 na kotu 650 i dalje na kotu 793. Od kote 793 granica dalje ide grebenom "Kobilica" na kotu 703 produžava

grebenom "Kozličak" kojim se spušta do granice odjela 107 i 108 na grebenom "Škrajini brijeg" na kotu 639, spušta se niz "Šarinu kosu" do "Hrvatske brane".

5. HUTOVO BLATO

Površina lovišta iznosi 7811,26 ha, lovište se prostire na području općina Čapljina (4980,93 ha) i Stolac (2830,33 ha).

Vrste divljači koje naseljavaju lovište: gnjurci, vranc, čaplje, rode, jastrebovi, sokolovi, poljske koke, ždralovi, galebovi, golubovi, sove, ševe, svračci, čvorci, vrane, muharice, sjenice, vrapci, zebe, vidra, divlja svinja, zec, lisica i jazavac.

Lovište je planinsko. Nadmorska visina lovišta: 2 - 553 m/nv.

Granica polazi od mosta na rijeci Bregavi i penje se na brdo Klepašnica (kota 108), nastavlja vrhom brda i prelazi na Kučevo brdo (kota 118) te nastavlja u pravcu istoka do Moračina - kuće. Odatle se spušta na Topolnicu i izlazi na put Klepci - Karaotok. Zatim se vraća tim putem u pravcu zapada i skreće prema jugu pored nogometnog igrališta Višići kroz Zgone i izlazi ravno na rijeku Krupu. Nastavlja dalje nasipom s desne strane rijeke Krupe i ide jugozapadno do mosta na rijeci Krupi (put M17). Prelazi most i vraća se istočno nasipom s lijeve strane rijeke Krupe do ušća Sjekoškog kanala. Dalje nastavlja do mosta na tom kanalu gdje izlazi na cestu Dračevo - Svitava odakle cestom pored Svitavskog jezera ulazi u naselje Svitavu (PHEČ), te se vododerinom penje na Budisavinu (kota 67, 189, 588), presijeca preko (kote 442) Gradac i spušta se na kotu 117 (put Drenovac - Londža). Prolazi sredinom između kota 210 i 478, izlazi na Popovu glavu (kota 379).

Ide prema sjeveroistoku preko Babine glave i prelazi put Cerovo - Drijen i izlazi na Gradac (kota 257). Ide prema sjeveroistoku vrhom brda preko kota 272, 347, 416 odakle se spušta na selo Grlić i nastavlja putem kroz naseljeno mjesto Prebilovci do mosta na rijeci Bregavi.

V

Za korisnike posebnih lovišta određuju se:

1. Igman - Bjelašnica - KJP "Sarajevo šume" d.o.o. Sarajevo
2. Hrbiljne - Kujača - ŠGD "Hercegbosanske šume" d.o.o. Kupres
3. Plješevica - ŠPD "Unsko-sanske šume" d.o.o. Bosanska Krupa
4. Konjuh - JP "Šume Tuzlanskog kantona" dd Kladanj
5. Hutovo Blato - JP "Park prirode Hutovo blato" Karaotok-Čapljina

VI

Ugovor o predaji posebnog lovišta na gospodarenje sa korisnikom lovišta iz prethodne točke zaključuje Federalno ministarstvo poljoprivrede, vodoprivrede i šumarstva (u daljnjem tekstu: Federalno ministarstvo) na period od deset godina.

Ugovor o dodjeli posebnog lovišta na gospodarenje sadrži elemente koji su propisani Zakonom o lovstvu.

Federalno ministarstvo vrši nadzor nad provođenjem ugovora o korištenju posebnog lovišta.

Ugovor o korištenju lovišta može se raskinuti i prije isteka na koji je zaključen ako korisnik ne poštuje odredbe ugovora i važeće zakonske propise.

VII

Lovno-gospodarske osnove za lovišta treba donijeti najkasnije u roku od jedne godine od dana predaje lovišta na korištenje.

Postupak izrade i donošenja lovno-gospodarskih osnova provodi Federalno ministarstvo.

Financiranje izrade lovno-gospodarskih osnova za posebna lovišta snosi Vlada Federacije Bosne i Hercegovine u skladu s člankom 46. stavak 7. Zakona o lovstvu.

C. ZAVRŠNE ODREDBE

VIII

Za realizaciju ove odluke zadužuje se Federalno ministarstvo.

IX

Ova odluka stupa na snagu osmog dana od dana objave u "Službenim novinama Federacije BiH".

V. broj 1185/2012

11. rujna 2012. godine
Sarajevo

Premijer
Nermin Nikšić, v. g.

На основу члана 19. став 2. Закона о Влади Федерације Босне и Херцеговине ("Службене новине Федерације БиХ", бр. 1/94, 8/95, 58/02, 19/03, 2/06 и 8/06) и члана 31. ст. 4, 5, и 6. Закона о ловству ("Службене новине Федерације БиХ", бр. 4/06 и 8/10), Влада Федерације Босне и Херцеговине, на 60. сједници одржаној 11.09.2012. године, доноси

**ОДЛУКУ
О ОСНИВАЊУ ПОСЕБНИХ ЛОВИШТА НА
ТЕРИТОРИЈИ ФЕДЕРАЦИЈЕ БОСНЕ И
ХЕРЦЕГОВИНЕ**

A. ОПШЕ ОДРЕДБЕ

I

Овом одлуком оснивају се посебна ловишта на територији Федерације Босне и Херцеговине (у даљем тексту Федерација), која се простиру на површинама шума са посебном намјеном као и на површинама које представљају изузетно погодна станишта ријетких, проријеђених и вриједних врста дивљачи.

II

Овом одлуком, појединачно за свако ловиште, утврђен је назив ловишта, подручје опћина на којима се налази, површина ловишта, врста ловишта, надморска висина ловишта, најважније врсте дивљачи, посебно ријетке и угрожене врсте дивљачи које насељавају ловишта, те наведени и други потребни подаци за квалитетно и трајно газдовање ловиштем.

III

Уважавајући стање у области ловства на подручју Федерације, дугогодишњу традицију под посебним режимом ловног газдовања, потребе савременог ловног газдовања и међународних конвенција, те појединачне специфичности сваког ловишта према структури површина, природним погодностима, врстама дивљачи, оснивају се слиједећа посебна ловишта: Игман-Бјелашница, Хрбљине-Кујача, Пљешевица, Коњух и Хутово Блато.

V. ОСНОВНИ ПОДАЦИ И ОПИС ГРАНИЦА

IV

1. ИГМАН - БЈЕЛАШНИЦА

Површина ловишта износи 19754,82 ха, ловиште се простире на подручју опћина Хаџићи (13056,51 ха), Илица (4351,12 ха) и Трново (2347,19 ха).

Врсте дивљачи које насељавају ловиште: медвјед, вук, срна, дивокоза, велики тетријаб, дивља свиња, зец, љештарка и друге врсте.

Ловиште је планинско. Надморска висина ловишта: 420 - 2110 м/нв.

Граница ловишта "Игман - Бјелашница" полази са коте "Крвавац" (2062) прати административну границу опћине Хаџићи, описно иде у правцу сјеверозапада преко потеза Брлози, коте "Пресло" (1721) и долази на коту "Обрадова снежница" (1724), гдје мијења смјер и наставља у правцу југозапада преко Крње Јеле, коте 1648, те у правцу југозапада

излази на коту "Јаворак" (1743). Даље, граница ловишта продужава у правцу југозапада, долази на коту "Висин" (1661) и у правцу сјеверозапада преко коте "Медена глава" излази на коту "М. Висин" (1576) гдје мијења смјер и у правцу југозапада преко Зелених њива долази на коту "Буково поље" (1245) те креће у правцу сјеверозапада преко потеза Подови и гребеном у правцу сјевероистока долази на коту 1388, гдје мијења смјер, и у правцу сјеверозапада преко коте "Клек" 1577 долази на потез Црни врх и гребеном у правцу сјевероистока долази на коту "Волујак" 1460. Овдје граница мијења смјер и у правцу сјеверозапада долази на коту "Прехуља" (1233), гдје мијења смјер, напушта административну границу опћине Хаџићи и у правцу сјевероистока иде коритом Прехуљског потока до ушћа у Корчу и у истом смјеру, преко Виса у правцу југоистока (границом шумских одјела 48 и 49), долази до коте 1144, гдје мијења смјер и креће у правцу сјевероистока преко коте 1221, коте "Рагаљ" (1133) долази на коту 948 и продужава у истом смјеру границом шуме и шумског земљишта у државном власништву (границом шумских одјела 45, 44 и 43), а потом локалним путем пролази изнад насељеног мјеста Г. Биоча, силази у корито потока Бјелашница и креће истим у правцу сјеверозапада до локалног пута за Казину бару, те у правцу сјевероистока, продужава наведеним путем до магистралног пута Мостар-Сарајево, креће истим у дужини од 250 м, одваја се у правцу југа локалним путем до изнад насељеног мјеста Шиници. Овдје граница ловишта мијења смјер и креће у правцу истока, а потом југоистока границом шуме и шумског земљишта у државном власништву (границом шумских одјела 53, 52, 51, чини полуенклаву преко коте 860, шумских одјела 48, 47 и на граници са 46 чини полуенклаву), те са западне и јужне стране такође границом одјела 46 обилази насеље Љубовчићи и у правцу сјевероистока прелази полуенклаву и долази на границу шумског земљишта у државном власништву.

Даље, граница ловишта наставља у правцу југоистока, границом шумског земљишта у државном власништву (границом шумских одјела 46 и 39) и долази на коту "Точила" (877), гдје мијења смјер и креће у правцу сјевероистока долази на прстен шумских одјела 31, 37, 38 и 40, силази низ Обитни до (границом шумских одјела 31 и 38 те 32 и 33) до прстена шумских одјела 17, 18, 32 и 33 односно до ријеке Крупе и креће узводно коритом Крупе у правцу југоистока до прстена шумских одјела 18, 28 и 32, коте 668 изнад извора Крупе. Овдје граница мијења смјер и продужава у правцу сјевероистока до шумског камионског пута у енклави у шумском одјелу 18 креће истим путем у правцу сјевероистока до коте 834 (резервоар у Локвама), а потом не мијењајући смјер предвиђеним новим шумским камионским путем кроз шумске одјеле 8, 7 и 6 равно излази на коту 935, одакле иде границом газдинских јединица у правцу сјеверозапада до коте "Ступник" (992) гдје мијења смјер, и у правцу сјевероистока иде границом газдинских јединица "Зујевина" и "Игман" до административне границе опћине Хаџићи коју наставља пратити у правцу сјеверозапада, преко државне ергеле, те сеоским путем у правцу бункера долази до Мостарског раскршћа, одакле иде у правцу југоистока преко Блажуја до цркве на Пландишту, наставља у правцу југозапада и југоистока падинама Игмана и прати границу "Споменика природе Врело Босне" описану чланом 3. Закона о проглашењу споменика природе "Врело Босне" ("Службене новине Кантона Сарајево", број 16/06) до окретнице на путу у насељу Главогодина. Даље граница ловишта иде у правцу југоистока шумским камионским путем изнад насељених мјеста Главогодина, Ковачи, Храсница и Ласица долази на границу (прстен) шумских одјела 20, 21, 25 и 30 одакле у правцу југа долази на коту 1045 гдје мијења смјер и у правцу